

Di üülje wäi (Autor: Nis Albrecht Johannsen d. J.)

Ban di üülje wäi am eenmen kiimen,
Stal än friidlik wus dät oueråål.
Än ik hiird niinj löis, än ik sâch niimen –
Stöö ma diipe toochte önj en üüljtidswråål.

Liisen leet en ööl da winge strike;
En latj ungelmüs gloit ou'r e wäi.
Åål dät ünrou muurst heer foon me wike,
Weer ik nint as sweegen am me häi.

Frååged dan: wat seechst dü naie weege,
Weer följik nint as toot än wrauel hiirt?
Luup mân ouf än tu aw smeele steege
Tu di üülje wäi – di's ai ferkiird.

(In: Johannsen, Nis Albrecht. 1956. *Beerid*. Naibel: Andresen. S. 48.)